

Եւ եթէ կամք իցէ ձեր հարցանել զէր վասն չյօժարելոյ իմ գալ ի Հոսմ, ոչ կարեմ առ այս մասնաւորաբար պատասխանել, զի ունի զբազմազան պատճառս բանաւորագոյնս, բայց զհտացէք զիս յաւէտ ուրախագոյն վասն ոչ մնալոյս անդ, և գնալոյս ուր անապարեմս արդէն: Որոյ վասն կացիք բարեաւ ասելով վերստին, խնդրեմ ի ձէնջ թիկնահաս լինել աղօթիք:

Եւ եթէ աւարտեալ իցէ տպագրութիւն Լօճիգայի Կովդիինին, աղաչեմ ոչ մոռանալ զմինն առ իս առաքել սեաւ կապով յիգմիր, ձեռամբ կարնեցի պարոն նահապետին. և հետեւաբար գլետին հատորն բնագանցական. զի զայլ երկուսն ընկալեալ եմ: Ամենայն միաբանից սրբակրօնից, որք առանձնացեալք կան ի սրբարանդ, սիրով և կարօտիւ ողջոյն ընծայեմ. և յատկապէս իմ Հայր Յկրտչին պատուականի, և սպասեմ տեսանել զնա ի բնուն իսկ հայրենին մեր ի Բիւզանդ. և մի զանգիտացէ բնաւ, զի առանց հրամանի Սրբազանիդ զոչինչ առնեմ նմա. բաւ է:

Ի Լիվոնո
1754 ի յապրիլի 22

Սարգիս Վրդ. և Արքեպս.
Կոստանդնուպօլսեցի

ՃԼԳ.

Հետեւեալ թուղթին ականարկը կը վերաբերի Պոլսոյ վենետկեան Դեսպանին, ինչպէս նամակին ընթացքին պիտի տեսնուի արդէն: Նամակագիրը կը տեղեկագրէ նաև յիշեալ Դիւանագէտին հանդէպ ցոյց տրուած նշանակալից պատուասիրութիւն մը մերայնոց կողմանէ, որ այնքան նախանձ շարժած է հակառակորդներու:

Գերաւեճար Տեառն Տեառն Սրբազան քաջ հովուիդ Ստեփաննոսի
Աստուածարևուորեան վարդապետիդ և մեծի Արքայիդ ողջոյն խոնարհադիմ մատուցի

Ի Կոստ. յամի 1754 ի մայիսի 19

... ի յանցեալ ամսոյն իջուցին ի ծով զիւչամպաուլի նաւ մի, որ ի թագաւորութեան տաճկաց չէր բնաւ տեսեալ ի Ֆէնէր՝ ի տանն ասկերեանց առ ի տեսանել զտեսիլն զայն զարհուրելի: Բայց չեղև հնար՝ զի նա թէպէտ կամեցաւ գալ, այլ քափիթանսն յղեալ մարդ՝ հրաւիրեաց ի տուն իւր: Վասն որոյ չկարացեալ զզէմ ունիլ՝ զնա ի տուն նորա: Եւ յետ սակաւ աւուր դէպ եղև անցանել արքունի ձիոց ընդ այն, և կոչել մեր զնա հանդերձ երևելեօք նորա. և ցուցանել մեր զարարողութիւնն տաճկաց, ընդ որ յոյժ զուարճացաւ անձն նորա: Եւ յետ անցանելոյն ձիոց պատրաստեցաք նմա՝ (իրաւի) սեղան արքունի. զտունն աւուր յառաջ մաքրելով և զարդարելով որպէս և վայելուչն է: Եւ ընդ մեր պատին այնքան բերկրեցաւ, որ հաստատեաց բանիւ ի կոստանդնուպօլիս չտեսեալ զայնպիսի պատիւ և զսեղան: Եւ եկաց առ մեզ զօրն ողջոյն. և ապա չուեաց զնաց ի պալատ իւր: Իրաւի դղրդեցաւ կոստանդնուպօլիս և յոյնք յիմարեցան, և հայք զուարճացան, զի մեծ պատիւ եղև Հայոց, զի բնաւ ի մէնջ չէր արարեալ այսպիսի իր ուրումն դաղմադացւոց ազգին...: Բայց զայս յատկաբար Դեսպանն մեր արար՝ զի փառաւորեսցի ազգս մեր և յոյնք նախատեսին. զի քաջ ծանեաւ զյունաց մեզ չկամենալն բարի: Եւ նա փոխարէնն արար մեզ զմեծ ընդունելութիւն, և առնելոց իսկ է այլևս...:

Նուաստ անարժան
Աթանաս վարդապետ